



Universitätsbibliothek Paderborn

R. P. D. Ioannis Ivsti Lanspergii, Natione Bavari, Illvminati Ac Religiosissimi viri, Carthusiae Coloniensis ante annos centum Vicarii, & Magistri Nouitiorum laudatissimi Opera

In Qvinque Tomos Distributa, à mendis expurgata, veteri integritati
restituta, & indicibus locupletata

In Passionem D.N. Iesv Christi Homeliae quinquaginta sex, Theoremata
viginti octo, totidemque sermones. In Monotesseron Praeterea Eivsdem
Passionis Dominicae, iuxta Euangelistarum & historiae fidem, Elucidatio.
Conciones ad Haec Paraeneticae in praecipuis anni & Sanctorum
festiuitatibus habitae

Landsberg, Johannes Justus

Coloniae Agrippinae, Anno M.DC.XXVIII

Inimicis nostris vt beneficiamus, illoru[m]q[ue] erratibus vti ex animo
compatiamur, & ignoscamus.

[urn:nbn:de:hbz:466:1-47113](https://nbn-resolving.org/urn:nbn:de:hbz:466:1-47113)

maledictos illos proferret? & nouissime verbum benedictionis, quale à feculo non est auditum, pro inimicis suis effudit. Quid hoc viro mansuetius, quid benignius & anima mea vidisti? Considera pectus illud dulcissimum, quam tranquillitatem pietatis obseruauit. Non suam ostendit iniuriam, non peccatam reputat, non sentit contumelias, sed ipsis potius à quibus patitur, ille cõpatitur: à quibus vulneratur, ille medetur: vitam procurat, à quibus occiditur. Hæc ille. O quam dulcis melodia hæc inter malleatorum audiebatur iustus, qua nimirum se Iesus Dei ostendebat filium. Quippe qui diuinam potius quam humanam benignitatem crucifixoribus expressit, mansuetudinem miram in cõtumelijs, patientiam in aduersis retinens, auditur eos qui se crucifigebant excusare, & pro eisdem orare.

Inimicis nostris vt beneficiamus, illorumq; erratibus vti ex animo compatiamur, & ignoscimus.

Quomodo
filijs Dei efficiamur.
Matth. 5.

Inimicis cur sit compatiendum.
Inimici quantum proficiat homini.

Inimici honoribus ac beneficijs prosequendi.

Hebræ. 12.

Quid hic discimus aliud, quam vt simus filij Dei, simus misericordes, firmusq; perfecti, sicut pater noster cœlestis perfectus est, qui solem suum oriri facit super bonos & malos, & pluit super iustos & iniustos, diligendo inimicos nostros, benefaciendo eis qui oderunt nos, & reddendo pro malo bonum, pro nulla offensione quærentes vltionem? Nihil enim discere possumus nobilius, nihil cõtemplari magis eximium, nihil deniq; fructuosius imitari, quam quod hic docetur, vt inimicis compatiamur nostris, qui se grauius quam nos lædunt, imò qui nobis, si volumus, ad patientiæ conducunt coronam. Quamobrem pro illis non aliter atque pro amicis, qui in multis proficiunt nobis, oremus. Faciunt sollicitos, faciunt circumspectos, dant patientiæ occasionem, tollunt inanem gloriacionem aut iactantiam, defectus quoq; & infirmitates nostras nobis ostendunt: & breuiter quicquid nobis adulatorum ficta blandities, quicquid laudantium nos turba nobis aduehit mali, hoc persequentes & inimici sanant. Exemplo igitur Christi, eiusdemq; amore, non solum absq; murmure & vindicta toleremus ingratos & inimicos, verum etiã honoribus & beneficijs animo sincero eos prosequamur. Quapropter reconde in corde tuo verbum hoc salutiferum Iesu Christi, vt quotiescunq; tibi senferis aduersari inimicos, atq; contra te aliquid machinari, respicias mansuetudinem patientissimi Iesu, & eius amore, eiusq; studio imitationis excitatus, nõ finas vt ira, vindictæq; appetitus, huc te impellat, vt pro malo consentias inferre malum. *Recogit eum qui aduersus semetipsum sustinuit contradictionem, ne fatigeris armis tuis. Recordare quid pater atq; spõsus tuus de inimicis suis dixit, quomodo in eos fuerit vltus, Nempe excusauit eos, pro illis orauit, quia eos, licet essent ingrati, licet duri essent ac mali, nunquam amare desijt. Tu itaque pari modo congemisce, condoleq; illis, quia capti vel à propria passione iræ, vel à tentatoris laqueo, agunt quæ nesciunt.*

IESUS IN CRUCE LEVATUS, INTER LATRONES medius ponitur. Artic. XLIII.

Matth. 27.
Lucæ 23.
Ioan. 19.
Esaie 53.
Marc. 15.

ET cum eo crucifixerunt hinc & inde duos latrones, vnum à dextris, & alterum à sinistris: medium autem Iesum. Et impleta est scriptura, quæ dicit: Et cū iniquis deputatus est.

H O M I